

Алматы қаласы әкімдігінің "Алматы қаласы әкімінің аппараты" коммуналдық мемлекеттік мекемесін қайта ұйымдастырудың кейбір мәселелері туралы" 2019 жылғы 4 ақпандағы № 1/89 қаулысына өзгерістер мен толықтырулар енгізу туралы

Алматы қаласы әкімдігінің 2024 жылғы 8 сәуірдегі № 2/239 қаулысы

Алматы қаласының әкімдігі ҚАУЛЫ ЕТЕДІ:

1. Алматы қаласы әкімдігінің "Алматы қаласы әкімінің аппараты" коммуналдық мемлекеттік мекемесін қайта ұйымдастырудың кейбір мәселелері туралы" 2019 жылғы 4 ақпандағы № 1/89 қаулысына келесі өзгерістер мен толықтырулар енгізілсін:

"Алматы қаласы әкімінің аппараты" коммуналдық мемлекеттік мекемесі туралы ережедегі:

14 тармақтың 12) тармақшасы келесі редакцияда жазылсын:

"12) өтініштерді талдау және өтініш берушілер көтеретін жүйелі проблемаларды анықтау;"

14 тармақтың 27), 28) және 29) тармақшалары алынып тасталсын;

14 тармақ келесі мазмұндағы 31-1) және 31-2) тармақшалармен толықтырылсын:

"31-1) тіл қағидаты бойынша кемсітушілікке жол бермеу жөнінде түсіндіру жұмыстарын жүргізу;

31-2) халық, оның ішінде азаматтық және мемлекеттік қызметшілер үшін тілдерді оқыту курстарын ұйымдастыру;"

14 тармақтың 37) тармақшасы алынып тасталсын;

14 тармақ келесі мазмұндағы 39) тармақшамен толықтырылсын:

"39) жеке және заңды тұлғалардың өтініштерін қарау.";

23 тармақ келесі редакцияда жазылсын:

"23. Әкім аппаратын қайта ұйымдастыру және тарату Қазақстан Республикасының заңнамасына сәйкес жүзеге асырылады".

2. "Алматы қаласы әкімінің аппараты" коммуналдық мемлекеттік мекемесі заңнамамен белгіленген тәртіпте:

1) Алматы қаласының әділет органдарына оның Құрылтай құжатына енгізілген өзгерістер туралы хабарласын;

2) осы қаулыны ресми жариялау және Қазақстан Республикасы нормативтік құқықтық актілерінің эталондық бақылау банкіне енгізу үшін Қазақстан Республикасы Әділет министрлігінің "Қазақстан Республикасының Заңнама және құқықтық ақпарат институты" шаруашылық жүргізу құқығындағы республикалық мемлекеттік кәсіпорнына жіберуді қамтамасыз етсін.

3. Қаулының орындалуын бақылау Алматы қаласы әкімі аппаратының басшысына жүктелсін.

4. Осы қаулы алғашқы ресми жарияланған күнінен бастап қолданысқа енгізіледі.

Алматы қаласы әкімі

Е. Досаев

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК